



Terenga 5: Hōtaka 26 – Te Whakahua

He Mihi

Kia tūpapahū te whenua nei i te hā o te reo. Koinā te koronga matua o tēnei hōtaka, e tīoko nei i a Ngākau Tapahi, i a Manawa Popore, i a Kiri Ūka. Nau mai ki raro i te tāhuhu o Ako.

Hei Mahi Whakarongo

He kāpuinga taiohi te kapa e whai ake nei, e waiata ana i tētehi o ngā waiata e rangona whānuitia ana i te rohe o Tainui.

Anei ngā pātai hei whakautu mā koutou:

- 1) He aha e mamae nei te kaiwaiata?
- 2) He aha tō whakamāoritanga i te 'mōkai kiri'?
- 3) E whakahaungia ana a wai kia aha?

Kia whakarongo tātou ki te whakakotahitanga o ngā kura o Rākaumanga, o Ngā Taiātea me Te Maurea Whiritōi.

He Whakamārama

Ko te tāhuhu o tēnei hōtaka, otirā o ētehi whakahaere e whakatairanga ana i te reo, ko tēnei: *'Ko te reo kia tika, ko te reo kia rere, ko te reo kia Māori'*. E hāngai ana te whakahuahua ki ēnei pou e toru o te ako i te reo. Me ako tātou i ngā whakatakotoranga kōrero, me ako anō hoki i ngā āhuatanga o te whakahua tika, kia rere Māori ai te reo.

I ngā kupu e whai ake nei, me puta te haureo (*stress*) i te wāhi kua tārarotia:

- 1) mamae tawhiti momotu papaki tutuki tatari

I ngā kīanga e whai ake nei, mēnā he oro puare kei te tīmatanga o te kupu e whai ake ana, me rere te whakahua, ānō he kupu kotahi ngā kupu kua tārarotia:

- 2) a) Mauria mai te pēke nā **ki a au**
e) I tae **rā anō** mātou ki Tāmaki.
i) Koinā **noa iho** tāu i hiahia **ai**?

Kua tohua te haureo o ngā rerenga e whai ake nei ki te kupu kikorangi, e mōhio ai koe me tau te haureo ki hea:

- 3) o) Kua **tīmata noa** atu tā māua **tito waiata** mō Te **Matatini**.
u) **Kaua** rā e **wareware** he **rā kura āpōpō**.

He Mahi Ī-papa

Tohua te haureo o te rerenga kōrero kei te Īpapa:

Ko wai rā te kaihautū o tō waka?

Hei Mahi

Kia kaha te whakawai i ēnei rerenga kōrero kia rere Māori ai tō reo. Kua tohua ngā haureo.

1. E **hiahia ana au** ki te **haere** ki **Rotorua**.
2. Mā **tātou anō tātou e** **tiki**.
3. E **rangatira ai** ngā **kōrero**, me **āta whakaaro i** te **tuatahi**.
4. Kua **kore i** **pērā** rawa te **kaha o** taku **haere** ki te **whare hākinakina**.

Whakautu:

Mahi Īpapa: Ko **wai** rā te kai**hautū** o **tō** waka?